

所減少<sup>スル</sup>。是名聞圓<sup>ト</sup>等云云。此釋<sup>ハ</sup>卽相對種<sup>ト</sup>手本也。其意如何。答<sup>フ</sup>生死者我等苦果依身也。所謂五陰十二入十八界<sup>ナリ</sup>。煩惱者見思塵沙無明三惑也。結業者五逆十惡四重等也。法身者法身如來般若者報身如來解脫者應身如來。我等衆生自無始曠劫已來具足此三道<sup>ニ</sup>。今值法華經<sup>ニ</sup>三道卽三德也。難云從火水不出從石草不生惡因感惡果善因生善報佛教定習也。而我等尋究其根本父母精血赤白二滯和合爲一身惡根本不淨源也。設傾大海洗之不可清淨。又此苦果依身探見其根本自貪瞋癡三毒出也。依此煩惱苦果二道構業。此業道卽是結縛法也。譬如入籠鳥。如何以此三道稱三佛因乎。譬如集糞造梅檀終不香。答汝難大道理也。我不辦此事。但付法藏第十三天台大師高祖龍樹菩薩釋妙法之妙一字。譬如大藥師能以毒爲藥等云云。云毒者何物我等煩惱業苦三道也。藥者何物法身般若解脫也。能以毒爲藥者何物。變三道爲三德耳。天台云妙名不可思議等云云。又云夫一心乃至不可思議境意在於此等云云。卽身成佛申此是也。近代華嚴眞言等盜取此義爲我物。大偷盜天下盜人是也。問云凡夫位可知此祕法心。答私答無詮。龍樹菩薩大論云九十今言漏盡阿羅漢還作佛唯佛能知。論議者正可論其事。不能測知。是故不應戲論。